



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1230. Usque Ad Annum 1248

Fleury, Claude

August. Vind. [u.a.], 1764

VD18 90118049

§. 59. Fridericus Parmam obsidet.

[urn:nbn:de:hbz:466:1-66268](https://nbn-resolving.org/urn:nbn:de:hbz:466:1-66268)

tres Prædicatores, ut exhortarentur ad sacram expeditionem contra Fridericum jam denunciatam. Sed hunc semper Imperatorem agnoscebant multi Germaniæ Principes, nimirum Dux Saxoniae, Dux Bavariae, Marchio Misniae, Ordo Nobilium Austriae, Styriaeque, Archiepiscopus Magdeburgensis, Episcopi Passaviensis ac Frilingensis: nec Papa quidquam poterat præterquam legato suo, ut hos Præsules Lugdunum ad sanctam Sedem accerferet, atque contra profanos censuras adhiberet.

Sæcul. XIII.
A. C. 1247.

§. LIX.

Fridericus Parmam obsidet.

Interea Fridericus mense Majo hujus anni 1247 ex Apulia in Lombardiam numerofo cum exercitu profectus Taurinum usque processit. Lugdunum aditurus erat, ut coram Papa (sic dicebat) causam ipse suam ageret, & hujus æquitatem nationibus cisalpinis demonstraret: volebatque mox redire in Germaniam, turbas ejusdem compositurus. Hoc iter ingentem Papæ ac toti ejus curiæ consternationem incussit metumque, ne Fridericus tam magnis cum viribus veniens ipsis vim inferret. Sed terrorem dispulit S. Ludovicus, se, si Papa postulet, ei celerissime cum tribus fratribus suis valido-

Mon. Pad.
Petr. de Vin.
xi. ep. 49.

Matth. Par.
p. 640.

Hist. Eccles. Tom. XX.

N^o que

Secul. XIII.
A.C. 1247.

IV. ep. cur.
124. Rayn.
n. 13.

Petr. Vin.
11. ep. 37.
Rayn. n. 17.

Matth. Par.
p. 643.

que exercitu subventurum pollicitus. Papa ardente studio gratias egit; oravit tamen, ne Rex prius, quam ab ipso monitus esset, se viæ committeret. Dabat 17. Junii. Forsitan Papa jam sciebat, quid in Lombardia ageretur. Nam ejus propinqui & amici, qui Parma ejecti fuerant, ut absentiam Friderici in rem suam verterent, congregati, facta cum incolis conspiratione medio Junio urbem intrarunt, ac necato Prætoze Friderici partes expulerunt. Gregorius Montelongius a multo tempore Papæ in Lombardia Legatus Parmæ suppetias tulit, velut etiam Cardinalis Octavianus, quem Papa nuper mense Aprili eo miserat: sic civitas in fortem sui defensionem intenta erat. Fridericus tunc, cum iter Lugdunum verus susciperet, comperta seditione excandescens, cum exercitu relegit viam, & Parmam obsessum venit. Atque ut doceret, se nolle nisi capta civitate discedere, castra posuit in speciem urbis, quam Victoriam nominavit, ibique transegit hyemem, expugnationem Parmæ tam certo sibi promittens, ut eam in deditionem accipere recusaret.

§. LX.

Daniel Russiæ Dux agnoscit Papam.
Papa Innocentius interim diversos schismaticos ad officium reducere conabatur.